



Bosna i Hercegovina
Federacija Bosne i Hercegovine
Tuzlanski kanton
GRAD GRADAČAC

H.K.Gradašćevića 54, 76 250 Gradačac, telefon 035-369-750, fax: 035-369-751, e.mail: opc.grad@bih.net.ba, www.gradacac.ba

GRADONAČELNIK

Broj: 02-04-683-9/20
Gradačac, 22.03.2020. godine

Na osnovu člana 107. stav 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH" broj 39/03, 22/06. i 43/10.), člana 34. Pravilnika o načinu rada i funkcionisanja štabova i povjerenika civilne zaštite ("Službene novine FBiH" br. 77/06. i 5/07.) i članova 16. do 18. Odluke o organizovanju i funkcionisanju zaštite i spašavanja ljudi i materijalnih dobara na području općine Gradačac Broj: 01-05-161/2013. od 29.05.2013. godine, na prijedlog Službe civilne zaštite Grada Gradačac, Gradonačelnik donosi:

ODLUKU

Član 1.

Ovom Odlukom u svim mjesnim zajednicama na području grada Gradačac osnivaju se štabovi civilne zaštite mjesnih zajednica, kao stručno-operativni organ za rukovođenje akcijama zaštite i spašavanja ljudi i materijalnih dobara na području mjesne zajednice.

Član 2.

Štab civilne zaštite mjesne zajednice sastoji se od: komandanta, načelnika i članova štaba.

Predsjednik Vijeća mjesne zajednice je po funkciji komandant štaba CZ.

Članovi Vijeća mjesne zajednice su po funkciji i članovi štaba CZ mjesne zajednice. Izuzetno vijeće mjesne zajednice ukoliko za to postoje opravdani razlozi, može predložiti zamjenskog člana u štab civilne zaštite mjesne zajednice.

Član 3.

Komandanta, načelnika i članove štaba CZ MZ postavlja i razrješava gradonačelnik uz saglasnost Štaba CZ Grada Gradačac.

Član 4.

U toku vođenja akcija zaštite i spašavanja ljudi i materijalnih dobara od prirodnih i drugih nesreća Štab CZ MZ dužan je provoditi naredbe i odluke Štaba CZ Grada Gradačac koji rukovodi akcijama zaštite i spašavanja.

Član 5.

U rukovođenju akcijama zaštite i spašavanja članovi štaba CZ MZ vrše slijedeće poslove:

- odlučuju o upotrebi snaga i sredstava civilne zaštite na zaštiti i spašavanju ugroženih i stradalih ljudi i materijalnih dobara na području svoje mjesne zajednice,
- naređuju provođenje odgovarajućih mjera zaštite i spašavanja i određuju snage i sredstva koje će provoditi te mjere,

- usmjeravaju, koordiniraju i rukovode akcijama zaštite i spašavanja svih učesnika angažovanih na zaštiti i spašavanju na svom području,
- rješavaju sva pitanja koja se u toku provođenja aktivnosti na zaštiti i spašavanju pojave u vezi sa angažovanjem snaga i sredstava civilne zaštite i provođenja mjera zaštite i spašavanja i samozaštite građana.

Član 6.

Štab CZ MZ vrši poslove iz svoje nadležnosti i za svoj rad je odgovoran Štabu CZ Grada Gradačac.

Član 7.

Ova Odluka stupa na snagu danom donošenja, a objavit će se u Službenom glasniku Grada Gradačac.

Dostavljeno:

1. Vijećima mjesnih zajednica,
2. Službi CZ Grada Gradačac
3. Grad. službi za društv. djelatn. i BiZ
4. Službeni glasnik,
5. a/a.



GRADONACHELNIK
mr.sci. Edis Dervišagić